

ხელშეკრულების პირობების საბოლოო ვარიანტი შეიძლება და ზუსტდეს ტენდერში გამარჯვებულ პრეტენდენტთან ხელშეკრულების გაფორმების პროცესში.

„---“ „-----“ 2023 წ

ერთის ს.ს.ი.პ გორის გიორგი ერისთავის სახელობის პროფესიული სახელმწიფო დრამატული თეატრი (შემდგომში „შემსყიდველი“) (შემდგომში „შემსყიდველი“) წარმოდგენილი მისი სამხატვრო ხელმძღვანელის ნიკოლოზ ჰაინე-შველიძის სახით და მეორეს მხრივ, ელექტრონული ტენდერის (აუქციონის გარეშე (NAT-----; CPV 71320000 - საინჟინრო-საპროექტო მომსახურება) საშუალებით, ს.ს.ი.პ გორის გიორგი ერისთავის სახელობის პროფესიული სახელმწიფო დრამატული თეატრის შენობის - ქ.გორი, ჭავჭავაძის ქ.N24, სრული რეაბილიტაციისთვის საჭირო საპროექტო-სახარჯთაღრიცხვო დოკუმენტაციის მომზადების სახელმწიფო შესყიდვასთან დაკავშირებით გამარჯვებული ----- (ს/კ-----) (შემდგომში „მიმწოდებელი“), წარმოდგენილი მისი დირექტორის ----- (პ/ნ -----) სახით, „სახელმწიფო შესყიდვების შესახებ“ საქართველოს კანონის მე-7 მუხლის 1-ლი პუნქტის „ა“ ქვეპუნქტის საფუძველზე, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“-ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ - სახელშეკრულებო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

მუხლი 2. ხელშეკრულების საგანი

- 2.1. ხელშეკრულების საგანს წარმოადგენს შემსყიდველისთვის საპროექტო-სადარჯთაღრიცხვო დოკუმენტაციების მომზადება და მიწოდება - შემდგომში „მომსახურება“;

მუხლი 3. ხელშეკრულების ფასი და ანგარიშსწორების წესი

- 3.1. წინამდებარე ხელშეკრულებით გათვალისწინებული მომსახურების ღირებულება შეადგენს ----- (-----) ლარს, მისი დაფინანსების წყაროა საბიუჯეტო სახსრები (შემდგომში „ხელშეკრულების ფასი“).
- 3.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს, რაზედაც პასუხისმგებელია მიმწოდებელი.

მუხლი 4. ხელშეკრულების შემადგენლობა

- 4.1. წინამდებარე ხელშეკრულებას ქმნიან და ხელშეკრულების განუყოფელ ნაწილს წარმოადგენენ შემდეგი დოკუმენტები: ა) ტექნიკური დავალება; ბ) ფასების ცხრილი; გ) ინფორმაცია ინტერესთა კონფლიქტის შესახებ.

მუხლი 5. ხელშეკრულების შესრულების კონტროლი

5.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განხორციელოს კონტროლი (ინსპექტირება), რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

5.2. ხელშეკრულების შესრულების კონტროლს (ინსპექტირებას) ახორციელებს ს.ს.ი.პ გორის გიორგი ერისთავის სახელობის პროფესიული სახელმწიფო დრამატული თეატრის სამხატვრო ხელმძღვანელის ბრძანებით განსაზღვრული უფლებამოსილი პირი, ან/და ამ საქმიანობისათვის საჭირო მოწვეული სპეციალისტი (სპეციალისტთა ჯგუფი).

5.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 6. შესყიდვის ობიექტის მიღება-ჩაბარების წესი

6.1. მომსახურება მიღებულად ჩაითვლება მხოლოდ ს.ს.ი.პ გორის გიორგი ერისთავის სახელობის პროფესიული სახელმწიფო დრამატული თეატრისთვის წარდგენილ სრულ საპროექტო-სახარჯთაღრიცხვო დოკუმენტაციაზე სსიპ "ლევან სამხარაული სახელობის სასამართლო ექსპერტიზის ეროვნული ბიუროს" ან შესაბამის სფეროში აკრედიტირებული პირის მიერ გაცემული დადებითი დასკვნის წარდგენის შემდეგ (დასკვნის მომზადების საფასური ანაზღაურდება მიმწოდებლის მიერ), რომლის საფუძველზეც გაფორმდება მიღება-ჩაბარების აქტი.

6.2. მომსახურების გაწევის შემდეგ ან/და საბოლოო შემოწმების შედეგად გამოვლენილი ნაკლის აღმოფხვრას საკუთარი ხარჯებით უზრუნველყოფს მიმწოდებელი 7 კალენდარული დღის განმავლობაში;

6.3. შემსყიდველი ვალდებულია აცნობოს მიმწოდებელს საბოლოო შემოწმების შედეგები დაწუნებული მომსახურების შესახებ წუნდების მიზეზის მითითებით;

მუხლი 7. ანგარიშსწორების ფორმა და ვადები

7.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

7.2. წინასწარი ანგარიშსწორება მიმწოდებელთან მოხდება 2023 წლის საბიუჯეტო სახსრებიდან, ხელშეკრულების ღირებულების 10 %-ის ოდენობით, რაზედაც მიმწოდებელი ვალდებულია წარმოადგინოს საავანსო საბანკო გარანტია, რომლის მოქმედების ვადა არანაკლებ 30 კალენდარული დღით უნდა აღემატებოდეს შესყიდვის ობიექტის მიწოდების ვადას.

7.3. ანგარიშსწორება მიმწოდებელთან განხორციელდება მომსახურების გაწევის შემდგომ საბოლოო მიღება-ჩაბარების აქტის გაფორმებისა და შესაბამისი ანგარიშ-ფაქტურის წარმოდგენის შემდეგ არაუმეტეს 10 (ათი) სამუშაო დღის განმავლობაში

მუხლი 8. მხარეთა უფლება-მოვალეობები

8.1. შემსყიდველს უფლება აქვს მიიღოს მიმწოდებლისაგან ჯეროვნად, კეთილსინდისიერად გაწეული მომსახურება.

8.2. შემსყიდველი ვალდებულია გადაუხადოს მიმწოდებელს გაწეული მომსახურების ფასი ხელშეკრულებით გათვალისწინებული პირობების შესაბამისად.

8.3. მიმწოდებელი ვალდებულია ჯეროვნად, კეთილსინდისიერად და დროულად გაუწიოს შემსყიდველს მომსახურება.

8.4. მიმწოდებელს უფლება აქვს მომსახურების სანაცვლოდ მიიღოს ხელშეკრულებით გათვალისწინებული თანხა.

მუხლი 9. მხარეთა პასუხისმგებლობა ხელშეკრულების პირობების შეუსრულებლობისათვის

9.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, შემსყიდველი უფლებამოსილია დააკისროს მას პირგასამტეხლო

ხელშეკრულების თანხის 0,2%-ის ოდენობით, შეუსრულებელი ვალდებულების ყოველი დღისათვის, რომელსაც მიმწოდებელი შემსყიდველს უხდის პირად სახაზინო ანგარიშზე ჩარიცხვის წესით, არაუგვიანეს 5 (ხუთი) სამუშაო დღის განმავლობაში.

9.2. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე დარჩენილი გადასახდელი თანხის 0, 2%-ის ოდენობით.

9.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.

9.4. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

მუხლი 10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის

398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია რაიმე სახის გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 11. დაუძლეველი ძალა

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 12. დავები და მათი გადაწყვეტის წესი

12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად

მუხლი 13. სხვა პირობები

13.1. იურიდიული მისამართის ან/და საბანკო რეკვიზიტების შეცვლის შემთხვევაში მხარეები ვალდებული არიან 3 დღის ვადაში წერილობით აცნობონ ერთმანეთს ამის შესახებ.

მუხლი 14. მომსახურების გაწევისა და ხელშეკრულების მოქმედების ვადა

14.1 საპროექტო-სახარჯთაღრიცხვო დოკუმენტაციის მოწოდება ხორციელდება ხელშეკრულების გაფორმებიდან (----- დღე) 202- წლის -----ჩათვლით.

14.2. შესყიდვის ობიექტის ადგილია: ქ. გორი, ჭავჭავაძის ქ. N24 , ს.ს.ი.პ გორის გიორგი ერისთავის სახელობის პროფესიული სახელმწიფო დრამატული თეატრი

14.3. წინამდებარე ხელშეკრულება ძალაში შედის ხელშეკრულებაზე ბოლო კვალიფიციური ელექტრონული ხელმოწერის ან/და კვალიფიციური ელექტრონული შტამპის განთავსების დღიდან და მოქმედებს 202---- წლის ----- ჩათვლით.

მუხლი 15. განსაკუთრებული პირობები

15.1. ხელშეკრულება შედგენილია ქართულ ენაზე და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, ელექტრონული დოკუმენტის ყველა ეგზემპლარი ორიგინალია. ელექტრონულ დოკუმენტს არ შეიძლება ჰქონდეს ელექტრონული ასლი

„შემსყიდველი“

„მიმწოდებელი“

ს.ს.ი.პ გორის გიორგი ერისთავის სახელობის
პროფესიული სახელმწიფო დრამატული თეატრი.

მისამართი: გორი ჭავჭავაძის ქ. #24

ტელეფონი: 27-33-06

ს/კ: 217881424

სახელმწიფო ხაზინა

თეატრის სამხატვრო ხელმძღვანელი

ნიკოლოზ ჰაინე შველიძე